

十朝东华录

道光朝

第八
函七册

秋七月辛酉諭欽天監奏恆星表卷告成繕本呈覽著命名儀象考成績編分修以下官生交部分別議敘○癸亥以孔繼尹爲廣

西布政使嚴良訓爲廣東按察使由甘肅選○甲子諭軍機大臣等文慶等奏會訊孟保等濫提官物一案審出大概供情一摺此

案孟保那移官物嵩祿印給空票皆須研訊明確以成信讞該革員等見在所供恐有不實不盡著文慶寶與廉敬侯本案人證解

齊逐細嚴鞫務期水落石出毋任稍有掩飾狡卸鍾方仍著暫行留川俟全案審結時奏明請旨等因欽此○孟保那移官物嵩祿印給空票復因捐買贖買不及那用官物雖訊據事後彌

署內零星那用之項未及買補亦未明立文案嵩祿於弁兵等應領賞需印給空票復因捐買贖買不及那用官物雖訊據事後彌

補究屬侵冒應照例將孟保嵩祿等發往新疆充當苦差下部議尋議上得旨此案孟保等擅用官物並未明立文案雖屬冒濫爲

數尙屬無幾所有前經查鈔之孟保海樸嵩祿等家產均著給還○以程煥采爲湖北按察使由鹽運○戊辰以全慶吉明俱爲內閣

學士兼禮部侍郎銜全慶由喀喇沙爾辦事大臣吉明由喀喇沙爾辦事○辛未諭軍機大臣等據著英等奏丹麻爾國呈請設立領事發給通商章程稅則等

語丹麻爾國既係向來通商之黃旗國貿易最久並未聞斷見請設立領事發給章程稅則係爲安分貿易起見事屬可行著即准

其設立領事經理一切並頒給通商章程貨物稅則俾有遵守該督等務即轉飭該領事於該國商人妥爲約束毋得稍有販私漏

稅情事致滋弊端○命大學士卓秉恬管兵部事○癸未諭軍機大臣等鄧廷楨等奏官兵節次捕擊番賊見在提鎮分駐要隘會

合剿辦一摺覽奏俱悉賊番分股肆擾經官兵等協力攻剿先後殲斃多名已將賊匪壓退惟番情叵測聚散靡常此次賊數不過

二千餘人而忽分忽合忽東忽西爲牽制官兵之計必須偵探賊蹤出其不意相機剿捕勿任竄伏遊奕見在胡超帶兵馳抵永固

距察罕鄂博僅止一百餘里與站柱聲息相通乘此官兵會合之時務當一鼓作氣於賊番往來要隘堵截剿擊尤當設法斷其後

路俾不至竄歸巢穴空勞兵力至番賊窺伺羣科此時是否解散著德興駐紮丹噶爾督率官兵並蒙古等一併防範毋得稍有疏

虞並責成胡超督緝卡內之賊以清北路站柱督緝卡外之賊以清南路其餘防堵接應各事宜俱著照所議辦理○開採廣西恭

城縣鉛礦

八月庚寅朔諭軍機大臣等據鄧廷楨奏官兵偵擊賊番得獲勝仗一摺此次賊番向疏曠溝壑衝突經總兵站柱督率官兵占據

山梁殲斃甚眾賊番業已畏懼四散奔逃正當趁其窮蹙之時痛加剿洗該賊番見雖逃遁而卧牛河一帶爲向來賊匪出沒之區

自應嚴飭防守勿任竄逸並於附近地面悉力窮搜務期淨絕根株此次打仗出力官兵著惠吉查明保奏候朕施恩毋許冒濫其

陣亡外委一員及受傷兵丁著與節次打仗傷亡弁兵咨部請卹○壬辰諭朕勤求民隱子惠元元自御極以來蠲緩徵徵恩膏疊

沛所願人安樂利戶裕蓋藏俾閭閻日臻康阜因念各省民欠錢糧自道光十五年降旨蠲免後計期已逾十稔本年恭逢 聖母

皇太后七旬萬壽海寓父安民物豐豫允宜推廣 慈恩覃敷閭澤用昭錫類之仁所有各省節年正耗民欠錢糧及因災緩徵帶

徵民穀並備紉種口糧牛具及漕項蘆課學租雜稅等項著各該督撫將軍府尹等將道光二十年以前實欠在民者詳晰查明該省所屬某州某縣銀穀若干速行開單具奏候朕降旨全行豁免並著先將此旨刊刻謄黃徧行曉諭務使城市鄉村咸喻朝廷德意毋任官吏胥役等延閣侵漁致滋弊竇期吾民休養生息孝弟力田比戶可封催科不擾用副朕延轡篇祐申錫無疆至意○辛丑調鄭祖琛為福建巡撫梁萼涵為雲南巡撫吳其濬為山西巡撫由福建調○敬徵以病免調特登額為工部尚書以保昌為禮部尚書○乙卯以趙光祖為雲南布政使普泰為雲南按察使由山西調○丁巳 上臨壽恩固倫公主園

九月庚申諭本年十月恭逢 聖母皇太后七旬萬壽如上 徽號應躬進奏書 冊 寶並宣表行禮昨奉 皇太后懿旨慶賀儀典過於繁重拜跪需時皇帝春秋已逾六旬自宜節勞以示愛護此次慶賀行禮時所有奏書冊寶表文一概毋庸宣讀朕自

維精力尙強拜跪可以如禮仍請悉循儀典藉展尊敬之忱奏懇再三未邀 俞允仰見 聖母垂愛惓惓無微不至若不祇遵溫諭轉非所以上體 慈懷此次恭進奏書 冊 寶及慶賀表文均即恪遵 懿訓毋庸宣讀著諭知該部敬謹遵行○諭吏部

奏酌議委員審案出力議敘條例等語嗣後各省命盜等案委審官能將原問官審擬錯誤有關係生死出入大案究出實情改擬得當者即照審轉官例一體送部引見如原問官擬罪有關係出入無關生死委審官平反得實者每案准其紀錄二次如原問官擬罪

並無出入止於未能審出實情委審官研訊得實者每案准其紀錄一次均由該督撫於定案時將何官錯誤何官駁正之處隨案聲明辦理其並無平反僅止研訊出力者如係案情重大人犯眾多該委員果能秉公細心妥速研鞫實在出力仍准該督撫保奏

並著將該委員如何出力之處詳細敘明不得以委審出力空言聲請致滋冒濫○己卯論漕糧為天庾正供節經降旨令有漕各省督撫嚴飭所屬早免早開剋期渡黃毋稍延誤乃近年重運漕船不能如期抵壩以致到通歸次兌受新漕節節耽延總緣各該

督撫不肯破除情面實力催趲所致上年軍船回空無須倒塘灌放猶未能十分迅速況本年因中河桃汛漫口繞越北行已耽延十有餘日繼又因運河淺阻剋運抵通更形遲滯若不趕緊催趲及早歸次儻誤新漕受兌關繫非輕見已節屆霜降水勢漸消著

漕運總督及沿途各督撫分飭所屬嚴行催趲務使速暢南下銜尾進行不准片刻停留庶幾以速補遲如期歸次來年新漕九當趕緊辦理按限兌開統限於四月初十日以前全數趲至清江剋期抵壩以便渡黃北上毋許稍有延誤儻意存怠玩視為具文仍

致臨事周章有逾例限定將該漕督及各該督撫嚴行懲處決不寬貸○庚辰諭軍機大臣等梁寶常奏匪徒聚眾抗拒官見在調兵勦辦情形一摺浙江奉化縣匪徒張名淵等於該縣考試時聚眾阻鬧挾制完糧減價經該道等前往彈壓輒敢抗拒官兵形同叛

逆實屬目無法紀見經該撫飭委署臬司秦瓊帶兵前往查辦並據提督詹功顯選派參將百勝帶兵前赴該處相機勦辦該縣山海交錯難保該匪徒等不勾結他處賊匪附和成羣藉圖搶擄自當厚集兵力趕緊撲滅著梁寶常帶印會同詹功顯星夜馳往查

辦並准就近酌調得力鎮將前往以備調遣務將為首各要犯張名淵等悉數擒獲毋許一名漏網至該縣王濟因何辦理不善

成事端該府李汝霖於有事之時避爾告病顯有規避情事並著確切查明據實參辦毋稍徇隱○乙酉諭軍機大臣等惠吉奏石友蘭等處兩次追捕番賊情形並見在嚴催控勒等語此次賊番滋擾倏聚倏分官兵分路追捕總未能大加痛剿見既據報石友蘭口及噶麥打坂兩次遇見番賊著嚴飭該鎮站柱等確探賊番蹤跡趕緊跟追毋得稍有遷延仍令遠宜轉聯大雪封山官兵既難深入且河冰凍結更易偷渡滋擾其沿邊各卡隘口應如何分布弁兵嚴加防守及春融以後應如何豫為籌備以防乘隙肆擾之處著惠吉通盤籌畫妥速布置先行奏聞至提督胡超統兵事務既有應捕番賊自應迅速控勒何以該督飛令趕赴西路尚未具報起程亦著惠吉查明據實具奏尋奏見飭站柱及沿邊營汛逐處排搜不遺餘力查西甯一帶黃河已經凍結應飭該鎮酌撤弁兵分守本境一俟春融即與達洪阿妥為籌備胡超因染患瘧癘尚須調治並據站柱咨報大股賊匪業經欲迹是以未即起程報聞○丙戌諭布彥奏查勘開墾事務將次完竣等語前據該將軍奏稱林則徐於伊犁開墾阿齊烏蘇地畝案內捐辦要工嗣因新疆南北各城開墾事務疊經降旨派令林則徐同全慶前往履勘茲據布彥奏各城開墾九十月間即可全局完竣林則徐自飭派查勘以來自備資斧效力奔馳將近一載著有微勞著飭令同京加恩以四五品京堂候補○戊子免玉舒番族積欠馬貢銀○是月緩徵盛京新民等五廳縣水災山東濟甯等四十四州縣衛衛歉收新舊額賦蠲緩山西徐溝和順二縣被水被雹額賦冬十月辛卯賜吳德新等六十九人武進士及第出身有差○癸巳封成貴人鈕祜祿氏為 成嬪○甲午以 皇太后七旬萬壽加上 皇太后徽號曰 恭憲康裕安成莊惠壽禧崇祺皇太后○丙申諭梁寶常奏查明奉化縣匪徒滋事緣由並見辦情形一摺奉化縣匪徒張名淵等因所控糧案未結輒敢聚眾阻考毆辱委員焚搶民舍提督督功顯迅即撥兵派令參將百勝都司鄧鳳翔帶領赴援旋將匪徒擊散見在倉庫監獄未動該匪徒出城以後各鄉附和之徒漸次散去惟唐畹汪家村等莊向聚多人計圖抗拒經該撫調兵往剿該匪徒等事起倉卒勢頗猖獗該提督撥兵迅速調度有方百勝等奉派救援奮勇前進以致身受重傷均屬可嘉督功顯百勝鄧鳳翔俱著交部從優議敘其傷亡弁兵著該撫查明照例咨部議卹該縣知縣王濟先因增加糧價釀成京控該府李汝霖審訊此案輒復擅責生監以致人心不服又於有事之時避爾告病顯有規避情事李汝霖王濟均著即行革職擊問交該撫嚴訊具奏甯紹台道陳之驥前往該處不能彈壓撫諭因匪黨眾多輒行避匿實屬情怯無能陳之驥著暫行革職該撫惟當會同該提督督率將弁將未散匪徒迅速撲滅剋日肅清其著名匪犯張名淵趙順年等務須按名拿獲審明嚴辦以伸國法而淨根株○左副都御史廣昌以大朝失儀降二級調用○戊戌 皇太后七旬聖壽節 上率 皇子及王公大臣行慶賀禮御製 聖母皇太后七旬萬壽賦並序○諭軍機大臣等賀長齡奏查明永昌府屬回匪滋擾情形見籌補剿等語該回匪等因教習拳棒被縣查拏疑為漢民舉發輒敢糾眾報復節經設法開導仍復堅持抗拒擾掠附近村寨實屬頑梗異常見據該督飭委通南道周澍會同提督張必祿嚴密堵禦相機剿捕務須諄飭該道等斟酌情形妥慎籌辦毋任稍有疏縱亦不得過涉張皇總期邊

防永謫漢回相安方爲妥善○辛丑李宗昉以病免以祝慶蕃爲禮部尚書魏元煊爲左都御史由刑部左侍郎遷○壬寅調周祖培爲刑部左侍郎以張芾爲工部右侍郎由內閣學士遷○癸卯以恭上 皇太后徽號禮成頒詔天下覃恩有差○丙午諭前據訥爾經額奏請

將旗租積欠並補徵銀兩一體豁免當交戶部議奏茲據該部奏稱旗地佃欠與民糧不同礙難議准等語此項佃種旗地之民近

隸畿疆同深望澤所有直隸各州縣道光二十年以前民欠各項旗租並補徵銀兩著加恩一體豁免以普仁施○丁未諭軍機大臣等梁寶常奏奉化縣匪徒經該撫曉諭業經解散並據該縣飭耆及居民等縛送滋事匪徒額求免斬首犯張名淵等亦各赴案

投首各處村莊一律肅清前調官兵分別撤留等語所辦甚好惟首要各犯甚多其投首縛獻者僅十餘名未獲各犯著即設法搜

拏務使悉數弋獲明正典刑毋許一名漏網但不可任聽官弁人等借搜捕名色擾及良民餘著照所議辦理○庚戌諭軍機大臣等賀長齡等奏督辦滋事回匪一摺覽奏俱悉該匪等膽敢抗拒殺兵練焚掠村莊且逼近永昌郡城猖獗已極見經提督張必祿王

一鳳等分投帶兵前往勦辦自可迅就撲滅惟永昌昆連順甯雲州騰越等處漢回錯雜順甯之右甸等處爲該回匪後路尤屬緊

要該督見已親往督辦著與張必祿王一鳳督率文武激勵將士添派弁兵迅即兩面兜勦毋任寬擾滋蔓首要各犯務須悉數擒

獲勿使一名漏網其安分良民尤當隨時安撫不可稍滋擾累○辛亥諭軍機大臣等賀長齡奏永昌城內住家回民勾結滋事匪

犯於黑夜滋擾槍礮齊起經該督文武督率弁兵奮力追捕將藏伏各匪悉數殲除等語覽奏嘉悅之至迤西道羅天池鄧川州知

州恆文遊擊劉桂茂練總沈聚成等同心協力加意隄防當夜倉卒之間設法勦捕又能鎮靜不擾使郡城得以保全實爲奮勉

出力著該督迅即查明破格保奏候朕施恩以昭激勵又據探猛庭回匪分糾永平各匪欲攻郡城及金雞哨江橋等處並勾結上

江老窩各匪鈔掠村寨頑梗已極見在城內兵弱難以分撥著該督等會同張必祿等仍遵前諭迅速添調弁兵扼要剿截兩路夾

攻並飭該道等嚴密堵拏務令將滋事各犯悉數擒獲從嚴懲治以伸國法而淨根株○丙辰以慶祺爲左副都御史由太常寺卿遷○是

月賑直隸寶坻等四縣災民緩徵直隸藺州等四十州縣安徽無爲等三十五州縣衛湖南澧州等六州縣衛被水被旱新舊額賦

兩淮泰州海州十四場鹽課展緩湖北沔陽等二十五州縣衛被水被旱新舊額賦

十一月戊午朔諭前據御史田潤奏前歲西甯會剿番賊富呢揚阿及周悅勝等種種諱飾不實等語當交惠吉鄧廷楨德興確切

密查各自繕摺具奏茲據惠吉等逐款查明先後據實覆奏如該御史原奏所稱富呢揚阿將番僧邀至大營面結和約等情據奏

並無其事惟當時曾有川番則巴錯洛赴營投誠之事或不免附會傳說應毋庸議其被搶馬匹攤賠補補各款雖據查數目情

形互有不同惟馬匹被搶較多挑變攤賠亦屬弊竇多端應任該管提鎮大員未能隨時釐剔均著交部先行分別議處其餘經收員弁亦著惠吉詳查職名一併分別參辦其短缺馬匹應如何著落賠補並著惠吉分別疑議另行具奏辦理至富呢揚阿前奏接仗情形雖非盡屬虛無究不免於鋪張粉飾周悅勝以統兵大員並未接仗輒行捏飾入奏若使其身尚在均當重治其罪富呢揚

阿周悅勝見皆身故所有飾終之典一併撤銷周悅勝厥咎尤重並著將前賞太子太保銜及錫手謚號概行追奪以爲欺罔冒功者戒○辛酉陝甘總督惠吉卒予祭葬○以布彥泰爲陝甘總督由伊犁未到任前賞林則徐三品頂帶先行署理○壬戌諭書元

奏勘明戶民新墾田禾被淹懇恩量予緩徵一摺新疆各城應徵糧石有闕兵精應係按年徵收向無因災緩徵之事茲既據該大

臣查明該處戶民甫經安插田地被淹實形疲困姑著加恩將此次欠收糧二千二百石准其緩至道光二十七八兩年分年

照數帶徵以紓民力新疆地畝與內地情形迥不相同內地分田受種凡高阜低窪之區地無遺利偶遇水旱偏災不得不量行蠲

緩至新疆土曠人稀儘多曠地卽見在招民墾種自當詳度形勢擇平原沃壤計畝授田方可因地之宜盡人之力若將濱河低窪

易於受災之地聊且播種使斯民終歲勤動不獲享豐收之利仍以民情拮据奏懇恩施是有名無實殊非朕裕國足民之本意嗣

後回疆各城概不得紛紛濫請妄希恩澤也○癸亥以德春爲秦甯鎮總兵官德誠爲倉場侍郎由秦甯鎮總兵遷○丙寅以黃琮爲內閣

學士兼禮部侍郎由學士遷○庚午諭賀長齡奏勘辦永昌滋事回匪連獲勝仗餘匪逃散一摺雲南猛戩寨回匪聚眾劫掠抗殺兵

練偏近永昌郡城先經池西道羅天池等將城中內應回匪殲除淨盡並經該督親往督飭該提鎮等分途堵剿至九月十三日該

匪等繞撲金雅右營盤經署騰越營中軍遊擊朱日恭探知帶兵迎敵賊放槍中傷左眼該營弁兵回擊將放槍之賊立時斃命

該遊擊奮勇撲擊力竭倒地旋經提督張必祿等督率兵練兩路分進隨擊隨追轟斃首匪馬大一名餘匪數十名又進至小松寨

等處連日剿殺該匪棄械逃走竄回猛戩乘夜潛逃四散經王一鳳等親赴該寨查明僅有舊居回民百餘戶實無匿存餘匪見據

該督飭提該寨回民親行訊鞫並嚴緝逸犯其未到之兵均卽截回歸伍等情該督督辦此案妥速可嘉其回匪起釁之由是否實

係挾哨民舊嫌激成此變著於回民提到時詳細審訊務得確情妥爲辦理至首匪馬大業經擊斃外其餘各頭目及從逆叛回共

有若干名務當設法悉數殲剿毋得稍留餘孽未獲之丁泳年等並著四川陝甘各省一體按拏解往雲南歸案審辦遊擊朱日恭

首先迎敵奮勇捐軀可嘉可憫著加恩照例將例賜卹先後陣亡之高朗沈振源等亦著該部議卹當朱日恭受傷之時該營弁兵

內何人開槍將槍傷該遊擊之賊立斃著該督確查姓名卽行破格保奏候朕施恩都司楊朝勛守備潘惠揚不能出力打仗輒任

令該匪等擁至賊寨復被倡回營代訴所稱各情顯係事後枝梧斷難憑信著卽革職鞫問交該督確切審明嚴行定擬具奏尋奏

查回匪起釁之由先挾緝甯雲州永昌等處械鬪舊嫌此次復因在板橋哨唱曲譁笑漢民被萬材柱等毆逐拆寺所致朱日恭受

傷之時係馬兵汪海將賊擊斃至楊朝勛潘惠揚因稟請添兵未允轉戰力竭撲地昏迷被賊擁去醒時卽欲自盡無聞可乘被倡

代遞稟結回營尙非事後枝梧擬發新疆充當苦差到配柳號兩箇月報聞○丙子諭嗣後親郡王貝勒貝子例應在紫禁城內騎

賞馬者滿洲人員年至六十五歲漢員年至六十歲亦俱准其乘坐二人椅轎以示優恤○庚辰諭軍機大臣等著英等奏申明要

馬者如年至六十五歲俱准其乘坐二人椅轎其文武大臣曾經約一摺英兵在舟山數年見當交割接收之期該督親赴香港接

肅各節均堅守條約並無異言惟求進廣州府城一節仍有他日再議之語該督等俟其續請時卽告以貿易之事期於彼此相安今欲更改舊章人心必爲疑怪粵民素稱强悍且恐良莠不齊儼或滋生事端彼此均爲不便如此曉諭庶可經久相安○是月貸熱河圖場款收兵丁銀錢徵新疆各城浙江定海廳河南睢州等二十六州縣江蘇高郵等六十三州縣衛甘肅狄道等二十二廳州縣山東觀城等三縣災歉新舊額賦山東官臺場被水竈課展緩江西新建等十三縣歉收道賦

十二月辛卯 上詣 大高殿祈雪○丁酉羅文俊以病免以王廣蔭爲工部左侍郎學士遷○戊戌諭本年 皇太后七旬萬壽

前經降旨普免道光二十年以前民欠銀糧令各將軍府尹督撫等查明開單具奏據劉韻珂等另片奏請將內地糧米及臺灣府屬供粟一體豁免當交戶部覈覆茲據查明具奏此次臺灣供粟內地租穀十一萬一千五百八十八石零內地糧米十四萬九千五百二十八石零以上銀米內截至奉到諭旨以前實欠在民未完之項著如恩准其一體豁免該督等卽刊刻謄黃徧行曉諭並照例按戶付給免單嚴禁吏胥影射需索等弊務期實惠及民用副朕推恩布閭至意其所奏借碾倉穀請項買補一節既經該部查明奏銷案內有前經行令撥充兵糈之米二十餘萬石著卽遵照前議抵撥清項餘米仍備兵糈毋庸動項買補期於倉庫兩有裨益民間仍霑實惠○癸卯 上再詣 大高殿祈雪○甲辰以德齡爲內閣學士兼禮部侍郎銜由詹事府遷○丁未耆英等奏英人仍

執前說要求進城命仍詳細開導○庚戌陳繼昌以病免以徐廣縉爲江甯布政使服闋布○癸丑 上復詣 大高殿祈雪○乙

卯諭昨梁寶常奏緝捕遲延及身有疾病各員當經降旨分別摘去頂帶革留勒休內山陰縣知縣方聯孚一員據該撫原奏內稱因查辦奉化匪徒一案路過紹興府接見該員感患疲疾精神恍惚等語朕思州縣等官各居本任儻非因公進省督撫勢不能與之時常接見若必待經臨該處親加察看始行參劾此外得以衰庸濫竽者諒復不少是督撫之耳目難周究不若道府之稽查較近嗣後著各該督撫嚴飭各道府於所屬州縣隨事留心訪查遇有多病廢公及庸劣無能等員立即據實稟揭儻敢瞻徇回護一經督撫查出除將各該員立予罷斥外所有該管道府一併嚴參示懲此案方聯孚身有重疾若非該撫親臨接見必致以病軀繼職貽誤地方該道府何以不行稟揭輒復委員幫辦著該撫查明參奏至督撫與州縣雖相距較遠果有所聞亦不妨將該員檄調來省面加察看總期及時甄別斷不可意存姑息致令衰庸之員濫司民社以嚴考察而肅官方○是月緩徵陝西榆林府谷二縣貸款○是歲朝鮮越南入貢○會計天下民穀數直隸等省通共大小男婦四萬二千一百三十四萬二千七百三十名口存倉米穀三千二百三十萬一千二百十八石八斗四升八合二勺

道光東華續錄五十三

道光二十六年丙午春正月己未諭朕弟惇恪親王縣愷尙無承嗣之人著將皇五子奕詝過繼與惇恪親王爲嗣卽襲封惇郡王並著欽天監於本年三月內選擇吉期移居府第其一應章服仍照皇子分例服用應領俸帽卽於本年春季爲始照例支領○癸

亥諭前據播錫恩奏籌備空運事宜並請定松江府屬重運渡江限期一摺當交璧昌等敷議具奏茲據奏稱松江重運幫船向與蘇屬各幫糧船跨兌必先蘇而後松又由吳淞黃浦湖潮運河地運出江連年比較遲早不過數日從無延誤況渡黃例限本定於四月初十日以前果能節節提前漸歸初限所有松江重運相距不遠尤當爭先恐後一律迅速又另片詳陳松江重運情形惟在破除積習多方激勵各等語所議自係詳加體察務協機宜所有松江重運渡江即著無庸另立限期以歸簡易該督等仍當先事籌度嚴切督催俾早兌早開如係各幫稍形玩易立即指名參撤務較常年提前辦理以符例限而利漕行○丁卯諭軍機大臣等昨據布彥泰奏查明哈密另有可壠地畝一摺已批交軍機大臣會同該部議奏矣其另片所稱回子近日窮苦由於該伯克等科派所致自係實在情形各城回子生計本少加以科斂愈不聊生全在各城大吏力矢清操方能約束該伯克等顧念同類不至藉端魚肉此後該將軍應如何密加查察使各大臣等破除積習不令該伯克有所藉口著布彥泰林則徐悉心妥議據實具奏至該扎薩克郡王伯錫爾將私墾地畝呈獻充公擬安置民戶等語此項地畝既據呈出一經墾種漸可擴充是否足以安置民戶藉資控制並著布彥泰等詳議奏聞○甲戌諭上年因派往朝鮮使臣向帶通官五六員恐有騷擾需索等事曾經降旨止准隨帶一員茲據禮部奏該國王懇請酌加以便接洽等語嗣後派往朝鮮使臣著准其隨帶通官二員該部即纂入則例永遠遵行○諭林則徐奏請將臨陣傷亡之武弁賜卹等語甘肅永昌協把總徐廷貴殺賊陣亡洮州副千戶土司楊國成捕賊捐軀均著該部照例議卹至署遊擊薛貴之子薛瑞麟身非職官本無勦賊之責乃能助父打仗奮不顧身尤屬可嘉可憫著加恩照千總例賜卹○己卯諭三載考績大典攸關內外滿漢諸臣有能克勤克慎實心任事者自當甄敘才具凡庸年力衰邁者亦難姑息其間年齒雖老而精力不減者亦當留任茲屆京察之時吏部將內外諸臣開列具奏朕依次酌覈大學士穆彰阿潘世恩戶部尚書賽尚阿那嚮藻兵部尚書何汝霖精勤襄贊一德一心吏部尚書恩桂管理諸務頗見認真直隸總督訥爾經額嚴疆重任諸臻妥善大學士四川總督寶興人品端方宣力有年協辦大學士兩廣總督耆英殫心竭慮坐鎮海疆廣東巡撫黃恩形協力籌維共成攸定均著加恩交部議敘餘著照常供職○庚辰諭本年輪應查閱山東等省營伍之期山東著即派崇恩河南著派郭順安江蘇安徽江西著派賽尚阿周祖培馳驛前往逐一查閱認真簡校毋得視為具文○命賽尚阿周祖培查勘江南江防○壬午梁萼涵以病免以陸建瀛為雲南巡撫郭熊飛為直隸布政使周祖植為江蘇按察使由安徽補授○乙酉諭軍機大臣等達洪阿等奏查明上年擊斃番賊確數一摺並另片奏見在籌辦進剿情形等語此次番賊復出肆搶勢甚猖獗歲暮冬寒尙復潛匿邊外乘閒搶掠一交春融必更出巢窺伺況年來近邊熟番亦有勾結尋搶情事值此天氣和暖亟應相機進剿為一勞永逸之計達洪阿惟當認真操練修整器械以便剋期進剿毋致臨時不能得力見在林則徐駐紮涼州查辦一切不日即抵西甯著會同達洪阿將應辦各事宜和衷商量妥為籌辦將來布彥泰到任後林則徐仍著暫留西甯與布彥泰達洪阿公同會辦期於集思廣益以靖邊陲是為至要○

是月給奉天鳳凰城岫巖廳旗民直隸寶坻等四縣口糧貸甘肅靜甯等十三州縣災民籽種緩徵山東濱州等二十八州縣衛直隸薊州等四十二州廳縣江蘇高郵等三十三州縣衛災歉新舊正雜額賦展緩浙江富陽等十二縣水災風災連賦

二月辛卯 上御經筵○甲辰以戴熙爲內閣學士兼禮部侍郎銜由光祿寺卿遷○壬子鄭親王烏爾恭阿卒命 皇四子奠茶酒賞銀

二千兩治喪予祭葬諡曰愼

三月戊午諭 如貴妃侍奉 皇考有年淑慎素著隨侍 慈闈允昭謹恪茲年屆六旬宜崇位號以介繁釐著晉封爲 皇貴妃

所有應行事宜著各該衙門察例具奏○癸亥 上啓鑾謁 西陵○免經過地方額賦十分之三○丁卯 上調 泰陵 泰東

陵 昌陵至 孝穆皇后 孝愼皇后 孝全皇后陵寢奠酒回鑾○庚午 上幸南苑行圍○賞御前大臣怡親王載坦大學士

穆彰阿潘世恩黃馬褂○乙亥 上還京師○戊寅諭我朝景運延長雲勅衍慶避名之典我 皇祖高宗純皇帝特降 諭旨以

不經用之字改避復 諭以奕字輩以下亦可推廣此意永遠遵行 聖謨煌煌洵爲萬世法守朕御極初年曾經降旨諭示奕載

溥毓恒啓等字缺筆書寫因念國家燕翼相承宗支蕃衍依次命名者久而愈多自宜推廣前奉 諭旨援引二名不偏諱之義用

示折衷將來繼體承緒者上一字仍舊無庸改避亦無庸缺筆其下一字應如何缺筆之處臨時酌定以是著爲合典俾我子孫繼

繼繩繩率循罔替此旨著軍機大臣敬謹存記並繕錄二道一交內閣封貯一交上書房恭貯敬識以垂永久○辛巳諭軍機大臣

等給事中安詩奏江蘇招商海運米石抵津請嚴禁關口留難需索弁役藉端擾累等語本年招商運米事屬創始自應曲加體恤

嚴防流弊方於商民均有裨益若如所奏天津一路關口俱索使費並有將船扣留不准進口情事該商等寄稅外洋米石蒸變必

致大形虧折以後裹足不前於民食大有關繫著飭爾經額飭知長蘆鹽政及天津道查明此項米石見在已否進口如東沽等六

處俱有前項情弊立即嚴參懲辦毋許稍有擾累至進口後或一時不能銷售應由地方官按數收買亦著籌議章程迅速具奏○

乙酉 上詣 黑龍潭祈雨○鄧廷楨卒以林則徐爲陝西巡撫○是月貸山西平定等九州縣歉收倉穀並緩徵保德等九州縣

通賦

夏四月丁亥諭訥爾經額奏江省商米運津籌議收買一摺江省招商買米由海道運至天津售賣見據該督查明米船抵津已有

數隻白米銷售甚形踴躍稔米一項議定官爲收買見已籌款辦理所有此項米石即著倉場侍郎派委坐糧廳監督一員帶同經

紀糾獲速赴天津按船驗明米色再由天津道按照市價公平收買委員分運解通以重儲備另片奏疊奉諭旨飭令嚴禁需索把

持並派大員前往專司其事該督於米船進口早經飭令出示免稅並嚴切曉諭務禁關口需索留難見已派委署天津道等嚴密

訪查妥爲經理等語著該督仍遵前旨嚴飭該員等於該商曲加體恤嚴禁一切弊端如查有勒索留難等弊即著從嚴參辦○戊

子諭武學鳳等奏臺灣漳泉民人分類械鬥匪徒乘機焚搶各案見已辦理完竣一摺此次該總兵等督帶兵勇分投彈壓由府庫

提墊軍需銀七萬六千八百三十九兩著准其援照成案作正開銷其撫恤難民一項係由官紳捐辦免其造冊報銷所有捐輸官紳商民及獲犯出力之文武員弁紳士義首人等並著該總兵等酌量保奏候朕施恩 丁酉諭軍機大臣等布彥泰等奏查獲希葉布番族實無賊蹤並酌擬約束章程開單呈覽一摺據稱總兵站柱等帶兵親至雍希葉布插帳地方詳加搜查將獻出各犯嚴加研訊絕無為匪情形見據該總兵等擬定章程所稱該番族等不甘身被賊名情願殺賊投效並責成盟長百戶將口口認真稽查又買易糧茶嚴禁溢額以杜接濟等語尙屬妥協其令該番等全行薙髮一條係為辨別釋疑起見亦屬可行惟此等番族究非內地民人可比既經薙髮並願立功固當示之以誠而番性叵測亦不可遽加深信防範稍疏該督等總當嘉其向義之忱仍復留心查察俾不至藉稱歸化取信目前久則故智復萌又復勾結番眾再生事端是為至要其賊匪旦會奴勒布等仍須設法訪緝獲案懲辦庶不至仍留餘孽致滋後患也○已亥前任禮部尙書李宗昉卒予祭葬○辛丑諭軍機大臣等賀長齡奏上年永昌漢回互關滋事業經持平審辦其逃散回民所遺田地亦經委員分投清查不准漢民侵占並出示招回復業其不願回者酌給撫恤該回民等已屬得所詎於本年正月復有外來及永昌逃散回民百餘人藉認種遺產為詞求賞盤費迨經該縣理論解散該回民等輒敢黏挂揭帖聲稱報復雪恨並邀搶客貨加以遊匪藉端冒充日聚日眾似此玩法藐官必應及時查辦免至日久蔓延見在永昌鎮道督飭府縣修城治械足資捍衛並經該督飛咨提督帶兵堵緝兼委道將馳往查拏自可剋日蕪事惟回眾甫經上年勦辦之後復敢藉端尋釁猖獗已極且滇省銅錫各廠遊匪甚多若不乘機撲滅必至勾結為患該督惟當體察情形如果一時未能掩捕即當親往督辦總期立時殄滅早靖邊陲是為至要○文柱以病免以陸蔭奎為江蘇布政使文俊為直隸按察使

山西歸德府

○乙巳命貴州編查附居苗寨客民戶口○丙午上詣黑龍潭祈雨○戊申兩○諭軍機大臣等寶什雅勒泰奏霍罕明巴什

遭額爾沁呈遞稟字並差人出卡傳送諭旨暗為偵探一摺據稱本年二月間有霍罕明巴什本素滿庫里遣使到葉爾羌呈遞稟

字內稱欲抽七城貿易之巴達克山克什米爾推依博特等外夷貨稅並收取希皮察克布嚕特租子各等語業經該大臣詳覈所

稟各情逐層據理駁斥並撰給回諭所辦俱是惟此次所來額爾沁是真是偽該處夷情若何自應逐細探訪務得確情至函致開

明阿在於該處派妥實可靠並熟悉霍罕地理之回子二三名協同前往偵探計該回子等不日即應旋回所探情形究竟若何

務即隨時具奏毋稍疏忽

五月丙辰諭布彥泰奏遵旨察看胡超一摺甘肅提督胡超有統領邊疆壓番夷之責乃去秋由承固進兵之際輒調極遠之漢中官兵故為延宕旋又停止以遂其苟安之計其遷延迂緩已可槩見本年林則徐密咨派兵至野馬川一帶堵截該提督又不即行調往節次添兵並未辦有成效種種稽延畏葸咎無可辭胡超著交部嚴加議處尋議上得旨胡超著照部議革職惟念其曾經出師著有微勞著加恩仍留騎都尉世職交布彥泰差遣委用以觀後效○壬戌上再詣黑龍潭祈雨○乙丑諭賀長齡奏提

鎮會勘回匪連獲勝仗並查明上年辦理不善請撤銷保舉交部議處一摺此次永昌逃散回民被外來奸回煽惑糾集日聚日眾經該督咨會提督張必祿總兵蔭德布等先事準備奮勇迎剿連獲勝仗疊斃賊匪數百生擒一名並將賊首斃斃業已大挫其鋒由此跟蹤剿捕不難悉數殲除張必祿蔭德布均著先行交部議敘把總陳得功生擒賊匪追捕尤為驍勇著以守備即行升用在事出力員弁並著該督酌量保奏候朕施恩陣亡之署守備趙發元署都司繆志林把總趙得及陣亡受傷各備弁兵丁著一併查明咨部照例議卹至此次回匪後事滋鬧見據生擒之馬良一犯供稱因上年按戮內應傷人過多回眾難堪是以羣圖報復是羅天池等辦理不善咎無可辭所有前經降旨將羅天池從優議敘恒文儘先補用賞戴花翎劉桂茂儘先升用補授普洱中營遊擊沈聚成拔補千總先換頂帶並賞戴藍翎之處著一併撤銷賀長齡並著交部議處○丁卯 上復詣 黑龍潭祈雨○耆英等奏委員前往香港詳加開導英國遵約退還舟山德庇時即日備文知會駐舟山兵目撤兵派船四隻赴該處載兵駛往印度前聞印度所屬之塞哥國與英國兩次構兵遣人向米利堅西洋等國探詢均稱英國上年兵敗復於本年正月間與塞哥國二次交兵得勝又據大鵬副將等探報英國復與上年構兵之馬儘國爭戰被馬儘國擊殺英兵數千及兵目四名未知確否報聞○乙亥雨○丙子諭鄂順安奏校閱通省營伍情形一摺河北鎮標右營都司明安泰馬箭生疏該員曾經出師著有微勞著以守備降補以觀後效至所稱各州縣額設民壯隨營調考放槍准頭尚屬合式等語民壯一項原為保護地方並雜項差使藉補兵力所不足與各營兵丁究屬不同刀矛雜技果能認真訓練已足備用毋庸兼習鳥槍弓箭著通諭各督撫知之○戊寅諭刑部奏已革職員使仍狡執請欽派大臣會訊等語刑部為刑名總匯凡遇重大案件無不由該部酌覈究擬期協情法之平此案已革吏部司員慶文等是否聽情受賄如果悉心研鞠自可水落石出乃審訊已經數月供證仍未符合率請欽派大員會訊將來遇有疑難重案輒即紛紜請尚復成何事體此案仍著責成刑部堂官再行細心推鞠務得確情固不可失之寬縱亦不可稍有屈抑以昭慎重而成信諭 前任湖南提督楊芳卒子祭葬諡勤勇賞銀五百兩治喪○是月緩徵直隸磁州等九州縣江蘇宿遷縣災歉額賦山西臨汾

三等縣通穀

閏五月乙酉諭軍機大臣等布彥奏查拏要犯黑錯四溝番族膽敢糾眾拒斃官弁土兵多名見復添派鎮將大員前往勦辦等語此案上年因兇賊東奴脫巴等在黑錯寺地方藏匿副將扎勒罕布帶兵查拏不能得力會降旨令該督等添兵按捕期於悉數擒拏茲據奏稱護副將張奉明等遣人持諭開導雖有滅勿等五族悔悟投誠獻出番賊科洛一名而黑錯四溝番族膽敢集馬步隊一千七八百人分股迎敵先後拒斃官弁兵丁數十名始終抵賊兇賊不肯獻出兇頑已極當經該督等派委總兵站柱等添帶官兵前往勦辦並派知府莊俊元等偕往會辦旋經站柱等馳至該處勒令迅速交賊詎該寺僧先後交出賊犯六名均非指名勒交之要犯迨該鎮等進剿至那沙莊滅力迭一莊該番眾仍敢持械抗拒似此兇頑不法必應痛加勦捕此時既已原集兵力該

督等即應嚴飭鎮將大員攻其要害殲厥渠魁其主謀糾黨之兇徒總當悉數就擒斷不准因零匪交出輒即將就了事務令該番族等知畏知懼不至再貽後患○癸巳諭軍機大臣等賀長齡奏回匪屯聚親往督辦並委署撫藩各篆一摺永昌回匪於前次被剿之後乘夜潛遁聚集猛庭經該提鎮移營尾追該匪等輒敢踞險相持並疊次撲攻營盤該提鎮督兵迎擊始行敗退惟山深箐密屯聚尚多非厚集兵力分路圍攻難免逸見屆暑雨之期煙瘴將作者再遷延不獨經費多虞且必日入生懈該督已添調弁兵親往督辦著即相機籌度策應督催並嚴飭在事人等確探賊蹤迅即分途進剿斷不准稍存姑息之見再致蔓延儻該文武等稍存觀望即著據實參辦其在事出力者亦即奏請恩施此次傷亡各弁兵著一併查明咨部照例議卹○丙申撥山東曹州右營經制外委一駐濮州水堡集中營千總一駐鄆城縣移鄆城縣經制外委駐黃姑庵均添兵隸之並添濮州及觀城縣馬守兵額○丁酉諭前因兵部議覆璧昌請於三江口等處設立鹽捕專營恐日久不得其人仍屬有名無實等語曾降旨令賽尙阿等親往履勘嚴議具奏茲據奏稱親至其處察看霍家橋實為揚州切要門戶添設專管不特鹽務賴以緝私兼可為揚州保障且添兵之難在於籌餉業經查據該督切實聲明可以永久不動正項其事自屬可行著准其於霍家橋添設鹽捕專營員弁兵丁如數增添所有俸餉等項既據該督稱於鹽務籌撥即若免其造冊報銷但必期行之永久儻日後偶因經費短絀奏請借動別項亦斷不能倖邀允准至運司緝私是其專責若不兼轄武職亦恐呼應不靈該督所請加運司兵備兼銜之處並著准其兼銜以資制馭他省不得援以為例其新設官兵仍責成該督督飭運司認真巡防訓練隨時考覈期於兵歸實用餉不虛糜毋致日久視為具文○戊戌命端華襲鄭親王爵並在御前行走○調柏俊為戶部左侍郎轉惠豐為吏部左侍郎調福濟為吏部右侍郎明訓為工部右侍郎以慶祺為盛京戶部侍郎御史副都御史○是月展緩浙江定海廳新舊額賦

六月甲子以靈桂為左副都御史御史副都御史○丙寅諭布彥奏委官兵剿毀番莊匪族四散酌量撤兵一摺所辦可嘉之至該處番族眾多素稱犷悍出沒無常其地搶歷有年所從前總督提鎮等辦理番案一味因循遷就敷衍了事以致該番族等習為故常肆行無忌此大黑錯寺地方番族特強抗拒經該督等示以兵威添調官兵帶領進剿經過番莊隨燒隨進連斃多名該匪等復有馬隊迎敵復經分為兩翼夾擊中路官兵用大礮擊斃執紅旗番賊該匪奔竄逃遁連日逐一排搜並無賊番蹤跡見經查拿餘匪緝捕漢奸酌量撤兵辦理尚為迅速布彥奏林則徐調度有方達洪阿身先士卒不遺餘力均著交部從優議敘在事員弁著擇其尤為出力者據實保奏傷亡兵丁著交部照例議卹○丁卯諭步軍統領順天府府尹並各督撫飭屬緝拿邪匪○庚午改建廣東九龍山石城○壬午以亨告大學士阮元重赴鹿鳴晉太傅予食全俸○命前任漕運總督朱樹以原品休致○癸未諭布彥奏等奏黑錯寺敗竄賊聚聚匪果舍之險隘地方復經官兵接捕殲擒大獲勝仗一摺黑錯寺番匪抗拒官兵前經達洪阿帶兵攻剿焚莊毀寺業已大振軍威詎該逃匪等仍敢竄匿果舍地方希圖有險可踞復經達洪阿督帶精兵窮追奮擊掃蕩窩巢計該處烏舍數百之眾業

已職擒殆盡見在拉布楞等寺僧眾收合四溝散亡番族帶到營盤匍伏乞命經達洪阿宣布皇仁嚴行條約准令悔過自新官兵即日凱撤所辦可嘉之至達洪阿著賞戴花翎所有在事出力人員著該員等擇其勞績較著者酌量保奏候朕施恩護副將張奉明奮勇爭先以致頭額被槍殞命臨陣捐軀殊堪憫惻加恩著照副將陣亡例賜卹其陣亡及受傷兵丁並著照例咨部分別卹賞餘著照所議辦理又諭布彥奏請將勒番不力具稟告病之總兵交部嚴議一摺所參甚是西甯鎮總兵站柱前經該督派往黑錯寺督勦番匪該總兵並不認真攻勦輒私遣人先往關說並以干總楊正才等赴寺質換其頭目來營一見即謂為悔懼投誠辦理已屬顛預迨番族獻賊寥寥該總兵轉置主謀糾黨之兇徒於不問僅將弱小之那沙滅力迭二莊攻打即請撤兵歸伍顯蹈從前將就了事惡習性懦無能可恨之至見因達洪阿等勦焚莊寺大振軍威該總兵輒行告病希免參劾實屬孤恩溺職站柱無庸交部嚴議著卽革職往烏嚕木齊效力贖罪以示懲儆○諭奕湘等奏接據朝鮮來咨嚴禁江邊蓋房墾地查拏究辦一摺內地與朝鮮交界之處前已有旨不准民人私越邊界墾田構舍果能認真查禁何至甫越三四年仍有民人潛往結舍墾田之事可見從前辦理各員不過奉行故事全未實心查察所有禮恩及派往搜查之統巡總巡並邊界各官俱著先行交部嚴加議處仍著奕湘等遵派明幹之員帶同兵役分路前往嚴密探查將各犯按名拏獲究辦並將草舍田土全行平毀不准仍留寸椽尺地備查明原定章程本未詳盡以致二十二年以後在事各員不能認真辦理再著據實嚴參候旨懲處毋得稍有諱飾至嗣後應如何設法查禁不至再有奸民偷越之處均著悉心籌議具奏○是月緩徵山西徐溝縣電災河南安陽等十四縣旱災山東臨清等三十八州縣旱災風沙災新舊額賦

道光東華續錄五十四

秋七月辛卯諭前據奕湘等奏接據朝鮮來咨內地與朝鮮交界之處近日又有夷人私越邊界墾田構舍查拏究辦一摺當經降旨將未能實心查辦之將軍禧恩等交部嚴加議處茲據該部議以降級調用奸民越界本干例禁開墾田畝尤屬意在久居為業宜如何認真查辦乃禧恩履任數年於此等外藩交界經朕特旨交辦之件漫不經心實屬孤恩大負委任禧恩著革去公爵拔去雙眼花翎仍帶單眼花翎降為鎮國將軍以示懲儆○壬寅上閱吉林黑龍江官兵馬步射○癸卯諭賀長齡奏漢回構隙見辦情形等語滇省漢回夙嫌未釋或獲其同類輒私設牛叢偶有爭端遊匪怙惡附和往往釀成鉅案自應破除積習永杜弊端著賀長齡督率所屬嚴禁牛叢力行保甲凡土著民人無論漢回悉聯為一體如有外來遊匪即行驅逐以絕其構煽之端至遇漢回交涉事件尤當秉公持平一視同仁無分畛域庶令信義相孚猜嫌悉化以靖邊域儻不能認真辦理事事覈實嗣後仍有滋事之處惟賀長齡是問○乙巳諭軍機大臣等御史戴綱孫奏河東鹽務商力已疲請量為變通一摺據奏鹽法之善莫過於民運民銷而官收其稅河東商力疲敝比以舉報充商大為閭閻之累請仿照前乾隆年間河南鹽課改入三省地丁完納舊例酌量變通等語

著異其審體察情形該御史所奏是否可行悉心妥議具奏尋奏河東官地由唐迄今外設禁牆以防作踐內通時渠以濟南泉稱不完繕淡水滲入則全池之鹵卽行融釋是以附近山溪壑築堤陂不使涓滴潛注每歲搶修皆係商捐生息所費甚鉅一歸民運鹽丁無力修葺不過一二年間卽成荒灘所產之鹽夾雜鹵鹵不便民食徒棄天產且恐官池委之於民必致無鹽可稅此不敢輕議改歸民運者也再查三省鹽課攤入地丁全卷止係省主議並未咨商各省以致兩淮天津均以鹽鹽充塞大礙官綱至嘉慶十二年卽復改歸商運是當時草率立案本未周妥以今日山西情形而論驟攤鹽課二十八萬有奇恐民力不支勢將增累窮黎且河東之商一聞改法無論殷乏俱存觀望更恐於奏銷大有妨礙此不敢輕議攤入地丁者也報聞○庚戌諭前據布彥泰奏審訊首逆胡完供詞與原卷迥不相符一案旋因布彥泰已簡任陝甘總督特降旨交薩迎阿研訊確情具奏茲據奏稱訊明胡完本名薩密斯頂並非布孜爾罕亦無從逆情事證據甚爲確鑿是奕經等審辦此案並不悉心研鞫任聽伯克誣捏教供委員刑倡妄認幾致誤入叛逆重罪昏瞶謬妄莫此爲甚奕經著卽革職發往黑龍江充當苦差齋清額以專城大臣審轉不實著一併革職發往伊犁充當苦差賽什雅勒泰隨同會奏並未深究案情亦屬不合著改爲降三級留任不准抵銷英吉沙爾回務筆帖式富德渾承審此案率用刑求且於邁瑪特等捏添供詞並不深究著革職從重發往烏魯木齊充當苦差葉爾羌回務章京西林泰喀什噶爾回務章京和德那派委會審均未能審出實情俱著革職換防參將蘇芳阿遊擊馬忠良雖係武職不諳例案究於重案未能隨同詳審咎亦難辭著一併革職毋庸交部嚴議至胡完一犯雖訊無從逆情事惟據供有醞酒賭博抗欠誣告及姦拐婦女等情邊疆重地斷難容此不安本分之人著卽定地充軍○致仕大學士阮元奏謝那太傅銜重起鹿鳴宴恩得旨覽奏均悉願卿福壽日增以待三赴鹿鳴之盛也○辛亥貴內閣學士德齡副都統銜爲英吉沙爾領隊大臣○是月賑三姓及甯古塔等處水災緩徵江蘇宿遷縣被水灘租

八月戊午諭昨據刑部奏結職官狎優飲酒一案已依議行矣此案各該員以職官恣意遊蕩均屬卑鄙無恥咎無可辭惟案內之王恩祥一員見官翰林平日自宜敦品勵學謹慎自愛乃竟踰閑蕩檢甘蹈狎邪更改姓名尤屬巧詐卑鄙昨經朕簡放學政設使此案倖未舉發尙安望其訓迪有方爲士林表率耶王恩祥行止卑污有玷清班革職不足蔽辜著從重發往軍臺效力贖罪以爲身任詞臣不知檢束者戒○乙丑諭前據薩迎阿奏請添設印房回務章京當交軍機大臣會同該部議奏茲據會議奏稱英吉沙爾臨邊臺卡甚多地方亦屬緊要自應添設章京以專責任英吉沙爾著准其添設印房回務章京一員卽專用六部筆帖式毋庸用起廢人員○壬申諭軍機大臣等寄諭盛京直隸江南浙江福建山東廣東七省將軍督撫提鎮等省英奏繕進陸費守備事宜狀並練兵儲餉等項事宜一摺練兵儲餉爲邊防要務尙宜準今酌古實力講求唐陸贄緣邊守備事宜狀一疏於理兵儲餉再三致意曲盡邊防要領著各該將軍督撫提督等咸錄一通置諸座右務宜觸目儆心反復尋繹斟酌以求其當變通以適其宜於籌

策邊防自有裨益至各營兵丁技藝之優劣視將弁操演之勤惰總在勤加訓練將弁得人嗣後廣東水陸各營自副將以下守備以上善即責成該提督等督同該鎮隨時考察果能教練有效兵丁悅服者據實保舉由書英覆覈年底密摺陳奏候朕點出一二員由該督給咨赴部引見聽候擢用此外海疆各省著照此認真覈辦至儲餉以備非常必須豫籌方免支絀著該督撫等轉飭各海關該管官嗣後奏報徵收錢糧時計一年稅數贏絀將徵納尾銀酌留數萬或數千覈定數目奏交各省藩庫另款存貯以資儲備並著奕湖納爾經額崇恩按照各該省情形分別輕重緩急酌量籌辦務令積之永久以裕軍實凡此訓練儲蓄固為籌邊要術然總在平日恤之以仁推之以恩要之以信制之以義而復嚴號令明紀律公賞罰德懷威畏以固結人心振作士氣俾上下一體有進無退方為有用之師該將軍督撫提督等務須激發天良深自刻勵毋稍苟安於弁兵等體恤倍至以實心待之自可得其實心而緩急可恃矣至各處船隻礮位礮臺陣式一切事宜均宜事事認真各收實用不得徒事外觀有名無實是為至要○論本日布彥泰奏巡邊大概情形等語番匪擾及邊界自應先固藩籬以杜窺伺見據該督相度西甯一帶地勢或因河為固或扼險設備著即擇要籌防妥為布置所有哈喇庫圖爾之南山根南川營之青石坡等處應如何移建營堡及黃河北岸之頭岱東信忙多等處渡口應如何設卡嚴防仍復舊制均著於巡查甘肅肅州等處邊卡完竣後綜覈全局悉心妥議具奏總期訓練認真卡防扼要俾番族無從偷越致有顧此失彼之虞方為妥善尋奏貴德廳所屬西番往往偷渡河北從前設有防河官兵河勢紆亘固不能周防而有賊渡河可以先得信息即報察漢托洛亥等防城互為防範後雖屢次減撤沿河尚有官兵自道光二十三年富呢揚阿奏將防河之兵全數裁撤添設將軍臺會亭子二城專恃防所堵禦遂令警息難通於防堵並無裨益自宜仍復防河舊章請於察漢托洛亥等防城駐兵一千二百名內撥出兵六百名再於西甯河州二鎮添派兵四百名分布沿河扼要之頭岱東信忙多等渡口派令守備千把等弁分帶嚴密防守仍歸察漢托洛亥駐防副將統轄又西甯鎮屬哈喇庫圖爾營所管之南山根南川營所管之青石坡兩處山勢峻拔為野番必由總路俱應安兵駐守擬於南山根安兵一百名亦由察漢托洛亥防兵內酌撥並派千總一員外委二員管帶輪替駐守其青石坡安兵一百五十名即由該管之南川營就近撥派惟南川營額兵無多擬先由西甯鎮標酌數派往亦著派千總外委等員管帶駐守應請於南川營酌添兵二百四十六名在甘肅腹地事簡營汛抽撥仍歸南川營都司管轄撥定以青石坡即作為該營汛卡以歸簡易新設之將軍臺會亭子二城應統歸附近之察漢托洛亥防城管轄西甯鎮屬大通永安等營所管之都濟石打板黑石頭等九處甘州提屬永固協等營所管之扁都口等十一處肅州鎮屬嘉峪關內紅崖等營堡所管之石夾關等大卡十六處涼州鎮屬永昌協等營所管之白石崖等十一處均屬沿邊最要口隘應派弁兵自三四十名至百餘名不等悉令照數派往肅州駐守其甘州提屬扁都口外之野馬川即責成扁都口一帶營卡嚴密防範此外沿邊僻小口隘甚多勢難彙派弁兵駐守查有舊挑坑壘以邊賊馬奔突仍飭令附近汛卡一體嚴防下軍機大臣會同兵部議行○癸酉 上賜火器

原书缺页

原书缺页